

Transkription von Urkunde HST 1370c

Ort, Datierung: Stralsund, 1370-11-06

Signatur: Stadtarchiv Hansestadt Stralsund, StU 0464 [\[online\]](#)

Inhalt: Rat der Stadt Stralsund: Rentenverkauf

Vÿ borghermestere vnde ratmanne der stad thome stralessunde bekennen vor vns vnde vnse /
nakomelinge in desser yeghenwordighen scrift openbare vnde betûghen dat wi hebbe(n) verkoft /
reddeliken vnde rechtliken mit eyner menen endracht vnde mit beradenen môde Clawes Crö=/peline
eyneme borghere tho lûbeke vnde synen rechten erfnamen vnde nauølgheren veftigh mark / gheldes
lubescher pe(n)nÿnge Dese veftigh mark gheldes vorbenomet. schole wi vtgheuen tho twen thi=/den
jewelkes yares Clawes Cröpeline efte syneme rechten bōden wene he dat beuelet vpthobore(n)de /
bynnen vnser stad thome sunde also vppe wÿnachten viif vnde twintigh mark vnde tho sūnte
Joha(n)=/nes daghe tho midden sōmer viif vnde twintigh mark sunder yenegherleye / hinder Dese
verbeno=/meden veftigh mark gheldes hebbe wi deme vorben(omeden) clawes cropelyne vn(de) syne
rechten erfnamen / vorkoft vor viifhundert mark lubescher pe(n)nÿnge De wi vntfangen hebbe(n) vnde
an vnser stad nûd ghe=/keret hebbe(n) vnde desse yarlikes renthe schal vryg wesen vor scholt vnde
allerleye vnghelt vnde denst / vnser stad tho donde Vortmer so verbinde wi vns an desseme breue Dat
wi desse vorbenomeden renthe scholen vtgheuen vnbewōren also vorscreuen steÿt sunder hinder
yeneghes orloghes efte hinder / yeneghes p(er)sonen he sy gheystik edder werlik . Vortmer were dat wi
desse renthe vorben(omet) nicht vtghe=/uen vppe de tid vorben(omet) wat schaden de vorben(omeden)
Clawes Cröpelyn vnde syne erfnamen dar af nemen / Den schole wi en vprichten . Vortmer so hebbe(n)
vns Clawes Cröpelin vorben(omet) vnde syne erfnamen / ghegheuen den wedderkoop desser renthe
vorbenomed dor vrûntschop willen De se mit vns hebbe(n) / Dat wi desse vorbenomede(n) veftigh
mark gheldes moghen wedder kopen wan wi willen vor viif hundert / mark lûbescher mūnte vnde wan
wi des willen hebben so schole wi clawes cröpline efte syne(n) rechte(n) / erfnamen vors(creuene) tho
seggen eyn half yar tho vōren vnde gheuen en ere vifhundert mark lub(escher) vorben(omeden) / mit
der renthe also id sik denne bōret also tho wynachten vnde sūnte Joha(n)nes daghe vorbenomet(h) / an
ene betugnisse vnde bekantnisse Desser stücke de vors(creuene) stan so hebbe wi vnser stades grote
Jnghese=/ghel van vnser rechten witschop vor dessen bref ghehangen De ghegheuen is vn(de)
ghescreue(n) Jn der / stad thome stralessunde Na godes bord drūtteynhundert yar Jn deme
seuentyghsten Jare Des neghesten / middewekens vor sūnte mertens daghe Des hilghen byschopes